

九江府志卷十五

典禮

壇祀 廟祀 墓祀 顛 虧 冠服通例 講約 鄉飲酒

化民成俗必由於禮禮有五經莫重於祭廟壇之間未施

敬於民而民敬墟墓之間未施哀於民而民哀矧茲守土

可弗恪與致敬誠若有禮而文豈等獻媚成民祀神古訓

然已至慶賀有禮讀法引年有禮服制有禮敬慎威儀為

民之則生當明備之

代彛章具在更班班可考也志典禮



九江府志 卷十五 典禮

壇祀

社稷壇

去府治東北一里許故景德寺址按舊志云宋在迎恩

門外元季兵燬明洪武二年知府龔璣復立於景德寺

故址八年知府周文質遷今所十二年知府王吉宏治三年

知府董潮遞修國朝雍正二年刊圖頒行十一年知府蔡

學灝德化知縣張思恬修建累石為壇高三尺縱橫各二丈五

尺四出陛各三級繚以短垣四面為門飾以丹從北出入壇

設石主二長二尺五寸方一尺立壇土中不構神號外置木

主二高二尺四寸寬六寸座高五寸寬九寸五分左書社神

右書稷神近壇垣漸圯嘉慶二十二年知府朱棨德化縣知

縣鄒文炳重修

每歲春秋仲月上戊日致祭

禮部則例載道員分治各府者於所治主祭其餘府州縣皆

正印官將事以各學教官糾儀生員充禮生椽吏執事

前期二日承祭陪祭執事各官各致齋于公所祭日預陳祭

品每神位前各帛一劍二簋二籩四豆四爵三共羊一

豕一尊一鵝初鳴承祭官以下咸朝服齊集黎明贊引禮生

各縣社稷壇

德化附府

二人引承祭官詣盥洗所盥洗通贊禮生贊執事各司其事

贊引者引承祭官至階前拜位立引班禮生二人分引陪祭

官文武東西各就拜位立乃迎神贊引者引承祭官升壇詣

香案前司香跪奉香承祭官三上香復位行三跪九叩禮陪

祭各官皆隨行禮奠帛初獻爵司帛奉篚進跪奠篚司爵奉

爵進獻爵奠正中皆退司祝禮生至祝案前跪承祭官暨陪

祭各官皆跪司祝讀祝文曰惟神奠安九土粒食萬邦分五

色以表封圻育三農而蕃稼穡恭承守土肅展明禋時屆仲

穡敬修祀典庶九九松栢鞏磐石於無疆翼翼黍苗佐神倉

於不匱讀畢詣神位前跪安於案叩如初退承祭官暨陪祭

官行三叩禮亞獻爵奠於左終獻爵奠於右儀均如初獻乃

徹饌送神承祭官行三跪九叩禮陪祭各官皆隨行禮司祝

奉祝司帛奉帛恭送瘞所承祭官轉立拜位西旁東面候祝

帛過復位引至望瘞位望瘞贊引告禮成引退眾皆退

德安

在縣治北一里許明洪武元年縣令曹景輝建 國朝雍正十二年知縣李宗瀚奉文重修

瑞昌

在縣西北一里許舊在白龍橋之左明洪武二年縣令黃顏遷今所

湖口

在迎春門外湖塘山下舊在下鐘山後係元縣尹張士熙建明洪武間知縣趙祥鄭元珍遷修成化間知縣李嵩遷治南宏治四年知縣周灝遷今所 國朝雍正五年知縣許涵遵式改建

彭澤

在縣治觀音山東北明宏治間知縣王琦嘉靖間知縣李棠羅士賢李崇信遷修 國朝乾隆元年知縣李松泰遵式改建

風雲雷雨山川城隍壇

舊志云在府城之南文明門外二里許年閏初定風雲雷雨山川城隍之神共為一壇雍正十年知府蔡學灝修定安設神位山川神居左城隍神居右時日與社稷壇同陳銅二簋二簋二籩四案前設俎陳羊一豕一又前設案一供祝版陳香盤一鑪一鐙二西設案一陳帛

七尊一爵二十有一陳福酒福酢於尊俎之次儀節並與祭

社稷壇同祝文曰惟神贊襄天澤福佑蒼黎佐元化以流行生成永賴乘氣機而鼓盪溫肅攸宜磅礴高深長保安貞之

吉憑依鞏固實資捍禦之功幸民俗之殷盈仰神明之庇護恭修歲祀正值良辰

敬潔豆籩祇陳牲幣 孟夏後諏吉行常雩禮陳設儀注同前祝文曰恭膺

命撫育羣黎仰體 彤廷保赤之誠勤農勸稼惟蒞屋資

生之本力穡服田令甲爰頒肅舉祈年之典惟寅將事用申

守土之忱黍稷維馨尚冀明昭之受賜來牟率育庶禋豐裕

於蓋藏若歲間不雨守土長吏諏宜祀之辰其祝文 牲牢籩豆香帛尊爵鑪鑪之屬率屬素服其祈禱儀節與常

祀同既應而報陳設供具 朝服行報祀禮與祈祀同

各縣風雲雷雨山川城隍壇

德化 附府

德化 附府 壇祀

德安

在縣治南一里雍正十二年知縣李宗翰奉文重修

瑞昌

在縣南一里舊在小南街之西洪武二年縣令黃顏因舊址為之正德七年縣令黃源太遷今所

湖口

在松壽山右舊在狀元坊明嘉靖中知縣章位梅遷今所

彭澤

在縣治南去城二里許乾隆元年知縣李松泰修

先農壇

雍正四年設立每歲承祭官率屬員耆老農夫致祭行耕精禮五年定壇位規制照京城式樣本年知府施士圖於府治東一里許如制創建壇高二尺一寸縱橫各二丈五尺壇後正房三間中奉神牌牌高二尺四寸寬六寸座高五寸寬九寸五分紅牌金字填寫先農之神其兩翼為庫房存貯祭器農具之屬門樓一座德化縣知縣楊莘買到鄔姓基地一處為藉田四畝九分租租八石五斗交貯縣倉以備祭祀之用每年以三月亥日致祭主祭陪祭執事各官前期二日各致齋於公所掃除壇壝內外祭日鷄初鳴執事人入設先農神案於壇正中南向陳銅二簋二籩二邊豆各四

案前設俎陳羊一豕一又前設香案一陳祝文盤盞香爐左

設一案東向陳帛一尊一爵三陳福酒昨肉於尊俎之次設

洗盥於階下之東質明行事儀俱與祭社稷同祝文曰維神

肇興稼穡粒我蒸民頌思文之德克配彼天念率育之功常

陳時夏茲當東作咸服先疇洪惟九五之尊歲舉三推之典

恭膺守土敢忘勞民謹奉彝章聿修祀事惟願五風十雨嘉

祥恒沐於神庥九穗雙

歧上瑞頻書於大有

祭畢行耕藉禮印官率所屬耆老農夫照九卿耕藉例行九

推之禮雍正五年定耕藉儀注各官俱更蟒袍補服印官秉

耒佐貳執青箱播種耕時用耆老一人牽牛農夫二人扶犁

引各官至耕藉位南向立贊引生贊進耒耜印官右手秉耒

贊進鞭印官左手持鞭行耕藉禮九推九返農夫終畝耕畢

各率耆老農夫行望闕三跪九叩頭禮畢退其農具用青色牛用黑色箱用青色所盛籽種悉從各處土宜

各縣先農壇

壇祀

德化 附府

德安 在西安門外離城一里雍正四年知縣周邵生建置有耕田四畝九分

瑞昌 在關帝廟東雍正二年知縣張豐孫建

湖口 在社稷壇左雍正五年知縣許涵建捐買耕田五畝坐落大嶺橋契存庫額租九石八斗

彭澤 在縣治北郭外嶽廟山知縣李松泰建買到汪與文等田三坵計丈四畝九分坐落壇首嶽廟嘴契附交盤冊

厲壇 在望京門外明洪武三年知府龔琬建今壇廢於望京門郊地祭焉歲祭者三以清明日孟秋望孟冬朔前期守土官飭所司具香燭公服以祭厲告本境城隍之神上香跪三叩與退至祭日以羊三豕三飯米三石香燭酒紙隨用禮生奉請城隍神主入壇設於正中香案一鑪燈具贊禮生引守土官公服詣神位前贊跪守土跪贊上香守土官三上香贊叩與守土官三叩與退執事者焚楮帛守土官詣燎鑪前祭酒三爵退禮生仍奉城隍位還

各縣厲壇

德化 附府

德安 舊在縣治北半里洪武五年知縣曹景輝建後以築城壇在城中嘉靖間以城外田易之即今縣治北關外

瑞昌 在縣東一里近望仙橋明洪武三年知縣黃顏立

湖口 在縣東門外明洪武二年知縣郝密建於下鐘山左宏治中知縣汪明遷楊巷西灣塘下正德中知縣盧秉彝以水漲不便祭遷今所嘉靖三十八年知縣沈詒建城移壇稍後

彭澤 舊在縣東北一里許今廢於北門外郊地致祭焉

日月食救護儀 順治元年定日食各官俱於本衙門救護二年定月食各官俱於本衙門救護雍正四年定凡

遇日食設香案於露臺上設金鼓於露臺下設各官拜位於露臺上俱向日陰陽生報日初食贊禮生贊排班各官俱服

壇祀

素服序立贊引生贊進叩興各官行三跪九叩頭禮畢班首
官上香畢贊禮生贊跪各官俱跪班首官擊鼓三聲衆鼓齊
鳴班首官再上香畢家官俱誓起立以後報食甚報生光上
香行禮並同陰陽生報復圓鼓聲止贊禮生贊跪叩興各官
又行三跪九叩頭禮畢退其月食救護儀同嘉慶十八年
禮部奏定典禮無論初虧復圓統以素服將事

廟祀

文廟 制見學校 每歲春秋仲月上丁致祭前期執事人等各
致齋二日前期二日省牲前期一日承祭官至 文廟觀
樂畢具朝服上香行三跪九叩禮畢至省牲亭香案前獻爵
奠酒揖宰人割牲取血執事生捧送各壇供奉承祭官俟安
設畢一揖退祀日前夕 大成殿正中 至聖先師位前陳
設用白色制帛一白磁爵三牛一豕一豝一登一釧二簋二
簋二籩十豆十酒尊一四配帛爵半豕釧簋簋酒尊並同籩
八豆八十二哲每位白制帛一白磁爵各一豕一豝一釧簋
簋俱各一籩一豆俱各四兩應白色帛一銅爵各一酒尊三每
案簋一籩一豆四先賢案前東西各羊二豕二先儒案

前東西各羊一豕一祭日承祭官暨分獻官陪祀各官俱
陰陽生報鼓三次贊引生引至臺下立通贊唱樂舞生就位
執事生各司其事分獻官陪祀官各就位唱畢贊引生贊就
位承祭官就位立分獻官及陪祭各官隨後立通贊唱瘞毛
血執事捧毛血盤出瘞畢通贊唱迎神樂奉成平之章樂作
費引生贊跪叩興承祭官分獻官陪祀官俱行三跪九叩頭
禮興樂止通贊唱奠帛行初獻禮樂奏寧平之章樂作贊引
生引承祭官詣盥洗所盥洗畢詣酒尊所司尊者舉幕酌酒
贊引生贊升壇引承祭官由東階上進殿左門贊禮生贊詣
至聖先師孔子位前承祭官至案前立贊引生贊上香跪
承祭官跪贊獻帛司帛生捧帛跪進承祭官受帛拱舉獻畢贊
贊引生贊獻爵司爵生捧爵跪進承祭官受爵拱舉獻畢贊
叩興承祭官叩首興贊引生贊詣讀祝位立讀祝生至案前
捧祝版立於案左樂止贊引生贊跪承祭官讀祝生分獻官
陪祝官各俱跪贊引生贊讀祝文讀祝生讀曰惟 先師德
隆千古道冠百王揭日月以常行自生民所未有屬文教昌
明之會正禮和樂節之時辟雍鐘鼓咸恪薦於馨香泮水膠
庠益致嚴於俎豆茲當禘仲祗率彝章肅展微忱聿將祀典

讀畢捧祝版至正位案前退樂作贊引生贊叩興承祭官各
 官三叩頭興贊詣復聖顏子位前承祭官就位立贊上香跪
 承祭官跪贊獻帛司帛生捧帛跪進於左承祭官受帛捧舉
 獻畢贊獻爵司爵生捧爵跪進於左承祭官受爵拱舉獻畢
 贊叩興承祭官一叩頭興贊引生贊詣宗聖曾子位前獻帛
 獻爵如前儀畢贊詣述聖子思子位前獻帛獻爵如前儀畢
 贊詣亞聖孟子位前獻帛獻爵如前儀畢十二哲分獻官升
 壇獻帛爵俱照承祭官行禮兩廡分獻官亦照承祭官行禮
 畢贊引生贊復位承祭官分獻官各復位立樂止通贊唱行
 亞獻禮樂奏安平之章樂作贊引生贊升壇獻爵如初獻儀
 畢贊引生贊復位承祭官分獻官各復位立樂止通贊唱行
 終獻禮樂奏景平之章樂作贊引生贊升壇獻爵如亞獻儀
 畢贊引生贊復位承祭官分獻官各復位立樂止通贊唱飲
 福受酢贊引生贊詣飲福受酢位承祭官至殿內立司酒酢
 二人捧酒酢至正位案前拱舉至福酢位右旁跪接福酢二
 人在左旁跪贊引生贊跪承祭官跪贊飲福酒承祭官受爵
 拱舉授接爵者贊引生贊受酢承祭官受酢拱舉授接酢者
 贊引生贊叩興承祭官三叩頭興贊復位承祭官就位立畢行

謝福酢禮贊引生贊跪叩興承祭官分獻官陪祀官俱行一
 跪三叩頭禮興通贊唱徹饌樂奏咸平之章樂作贊引生贊
 跪叩興承祭官分獻官陪祀官俱行三跪九叩頭禮興樂止
 通贊唱讀祝者捧祝司帛者捧帛恭送燎所承祭官至西旁
 立候祝帛過仍復位立通贊唱望燎樂奏咸平之章樂作贊
 引生贊詣望燎所引承祭官至燎所立祝帛焚半贊禮畢退
 各志於送神多作望燎茲
 查照禮部則例改望燎
 附樂章 自康熙八年定正樂章改章名和為平稱中和韶
 樂五十二年改造樂器審定黃鐘之度五十五年奏准平字
 樂章通行贊唱迎神奏咸平 禮部則例作昭平 大哉孔
 子先覺先知與天地參萬世之師祥徵麟緩韻答金絲日月
 既揭乾坤清夷初獻奏寧平 禮部則例作宣平 予懷明
 德玉振金聲生民未有展也大 成俎豆千古春秋上丁清酒
 既載其香始升亞獻奏安平 禮部則例作秩平 式禮莫
 愆升堂再獻響徹叢鋪誠孚壘 禮部則例作叙平 自古在
 樂淑相觀而善終獻奏景平 禮部則例作叙平 自古在
 昔先民有作皮弁祭菜於論思 樂維天牖民維聖時若彝倫

禮部則例改望燎
 附樂章 自康熙八年定正樂章改章名和為平稱中和韶
 樂五十二年改造樂器審定黃鐘之度五十五年奏准平字
 樂章通行贊唱迎神奏咸平 禮部則例作昭平 大哉孔
 子先覺先知與天地參萬世之師祥徵麟緩韻答金絲日月
 既揭乾坤清夷初獻奏寧平 禮部則例作宣平 予懷明
 德玉振金聲生民未有展也大 成俎豆千古春秋上丁清酒
 既載其香始升亞獻奏安平 禮部則例作秩平 式禮莫
 愆升堂再獻響徹叢鋪誠孚壘 禮部則例作叙平 自古在
 樂淑相觀而善終獻奏景平 禮部則例作叙平 自古在
 昔先民有作皮弁祭菜於論思 樂維天牖民維聖時若彝倫

攸叙至今木鐸徹饌奏咸平 禮部則例作懿平 先師有
言祭則受福四海寶宮噶敢不肅禮成告徹毋疎毋賓樂所
自生中原有菽送神奏咸平 禮部則例作德平 冕釋我
我蒸民育 我膠庠 我膠庠

按新頒禮部則例凡直省釋奠入廟將事儀節均與太學
遣官釋奠同茲有改易舊志者均遵禮部則例

康熙四十九年 諭同城武職俱照文職一體入廟行
禮正獻官巡道主之分獻官知府以下執事通贊二人贊引
一人讀祝一人監洗濯二人監宰一人收支祭物一人監庭
燎瘞坎二人陳設一人司帛五人司爵五人司盥一人司悅
一人司香燭一人瘞毛血六

各縣正獻官知縣分獻官

教諭訓導以下餘俱同府

八月二十七日恭遇 至聖誕辰各衙門致齋一日不理刑
名民間禁止屠宰嘉慶二十二年巡道任蘭祐立 至聖誕

辰約率同城官及各紳士生童設 主於濂溪書院行禮畢
飲福燕餞而罷並捐貲生息永奉祭品刊石院壁

官分獻官俱三叩頭與贊引生贊詣先賢顏氏位前次詣先賢曾氏位前次詣先賢孔氏位前次詣先賢孟氏位前獻帛爵如前儀其兩廡分獻官升壇獻帛爵俱照承祭官行禮畢贊引生贊復位承祭官分獻官復位立通贊唱行亞獻禮承祭官獻爵如初獻儀畢復位立通贊唱飲福受胙如文廟禮行謝爵如亞獻儀畢復位立通贊唱徹饌送神贊引生贊跪叩與福胙禮一跪三叩頭畢通贊唱徹饌送神贊引生贊跪叩與承祭官分獻官俱行二跪六叩頭禮興通贊唱司帛者捧帛司祝者捧祝各詣望燎位立祝帛焚半贊引生贊禮畢復位退

附載孔氏家廟在廬山西麓宋治平時勅建先是唐末文德元年聖裔四十一代孫孔績登進士任吉州推官五代亂遂家吉州之新淦及宋孔延之任欽州推官子文仲武仲平仲俱登進士平仲官至尚書適歸吉州道經廬阜遂卜居黃龍山麓請旨建祠于龍溪廟之南明初孔承節重修祠宇置祭田百餘畝神宗時族長孔貞贊貞讓尙哲北謁陵廟重修聖殿廬山之有孔聖祠所由來也

按闕里志載孔文仲之弟武仲平仲其父延之與周敦頤友善卒葬廬山南豐會輦撰誌銘係廬山之龍泉乃德化仁貴鄉今化邑之孔姓始自平仲遷居前志稱平仲與周元公遊係傳述之誤今附闕里志于後

闕里志延之績五世孫慶歷二年登進士第司封郎中與濂溪先生周敦頤友善卒葬廬山南豐會輦誌其墓贈殿中丞金紫光祿大夫

文仲延之子字經父弟武仲字常父平仲字毅父平仲嘗誌陶寺丞夫人孔氏墓云孔氏惟闕里最著而廟宅譜牒特繼以嫡相承者支子旁孫皆不復錄故散而之四方者莫可攷證皆聖人之後也今在江南新淦等陽為右云
祭田祭山一畝家山田二十畝吳家山田六畝闕家壠田九畝詹家壠田八畝五分郭家田十七畝金官坂田八畝五分朱家山田五畝五分一照背嶺山一畝詹山壠山四面吳家山一面闕家田四面

名宦祠

鄉賢祠

忠義孝弟祠

三祠俱春秋致祭與祭廟同日陳設祀儀俱與崇文

聖廟從同祝文曰維靈秉賦貞純躬行篤實忠誠奮發貫金石而不渝義問宣昭表鄉閭而共式祇事懋彞倫之大性摯我蒿克恭念天顯之親情殷棣鄂稽縻成推夫懿德 綸恩特闡其幽光祠宇維隆歲時式祀用陳尊簋來格几筵

節孝祠 祭期陳設祀儀俱同忠義祠祝文曰維靈純心皎潔令德柔嘉矢志完貞全閨中之亮節竭誠致敬彰闕內之

芳型茹冰蘖而彌堅清操自勵奉盤匱而匪懈篤孝傳徽絲綸特沛殊恩祠宇昭垂于令典祇循歲祀式薦尊醑

五縣四祠俱詳 學制祭儀同府

關帝廟 在城隍廟右康熙九年知府陳謙鼎建乾隆三十九年知府王均准寺僧募修先于順治九年 勅封忠

義神武關聖大帝雍正八年奉行每年動項銀四十兩作祭費乾隆三十二年加靈佑二字六十年奉 旨所有各

寺廟供奉 關聖神位以及匾額內有勅封字樣者殊非敬神之義著將二字節去嘉慶十九年奉 旨加封仁勇二

字所有神牌敬寫 思義神武靈佑仁勇關聖大帝齋戒與文廟同祝文曰維 帝浩氣凌霄丹心貫日扶正統而彰

信義威震九州完大節以篤忠貞名高三國神明如在漏卮宇于寰區靈應丕昭薦馨香于歷代屢徵異蹟顯佑羣生恭

值嘉辰遵行祀典筵陳滷豆几奠牲醪陳設祭品與 文廟正位同祀儀無樂章餘皆倣 文廟

關帝後殿 雍正三年加 封三代 曾祖光照公 祖裕 昌公 父成忠公每歲三祭畢請後殿 三公前行

二跪六叩禮祭品無牛餘與前殿同祝文曰維 公世澤貽 麻靈源積慶德能昌後篤生神武之英善則歸親宜享尊崇

之報列上公之封爵錫命優隆合三世以肇禋典章明備恭 逢諏吉祇事薦馨

各縣 關帝廟

德化 附府

德安 在縣南門外知縣張瑛建

瑞昌 在縣東門外教場演武廳

湖口 在治前金山頂原在中國坊今城隍廟址明宏治間知縣周灝遷廟右萬歷間改建今所 國朝康熙間知縣喬鉢

倡修

彭澤 在西門外河濱 國朝乾隆五十二年火燬邑庠凌健邑紳丁世襲重修

文昌廟 在府治東 關帝廟之右嘉慶六年奉 旨照 關

是年又奉禮部奏准 文昌帝君三代姓名查無確據未使請加封號謹擬增設牌位一分牌面書 文昌帝君先代神

位字樣遇祭期照 關帝廟後殿祀典致祭每歲春秋二祭

共支銀二十六兩係于地丁項下勅支各縣祭儀均與府同

又奏准各省舊有 文昌廟聽有司量加修葺以備春秋

致祭其向無祠廟之處令擇潔淨之所設位致祭祭畢撤位

各縣 文昌廟

德化 附瀆

德安 先在樞星門東嘉慶二十一年西鄉土民改建于外泮池東計二重

瑞昌 在小南門外邊街頭嘉慶十一年丙寅知縣趙增捐廉重修

湖口 在 文廟左明正德中知縣章位梅移門西嘉靖間市民李景泰捐建山左隙地本學士祇附祀崇禎元年推官唐

啓泰移建松壽山後圯 國朝嘉慶二十三年合邑士民捐建于 文廟左數十步

彭澤 在縣署後舊以閣名今改曰宮 國朝嘉慶十年邑紳士因舊址而擴大之鼎新重建

火神廟 在關督衙後康熙七年建乾隆十六年關督惠色捐修每歲以季夏月下旬三日致祭制帛色赤承祭官朝服

行三跪九叩禮

三獻焚燎送神

城隍廟 在府治東太寧坊先建于郡東北宋宣和中遷此元皇祐中又新之明洪武元年知府龔琬林宗相繼創建二

年勅賜府為威靈公縣為顯佑伯三年詔去封號止稱某府
縣城隍之神正德八年知府李葺修後燬于兵 國朝順治
六年重建正殿寢殿基存正殿與階前砌石德化生員舒啓
泰修右定福堂左長生閣俱住持僧道性建乾隆三十三年
三十八年住持僧
普應先後重修

按城隍廟向未列祭典每歲五月二十八日捐備祭品一
筵致祭行六叩首禮上香三獻爵讀祝文仍行六叩首禮
若水旱祈禱官司
莅任皆特祭焉

各縣城隍廟

德化 向來附府嘉慶二十年知縣鄒文炳因城西門內 上
論亭舊基倡紳士鼎建有記

德安 舊在縣西三十步知縣劉允迪建元壬辰兵燬明洪武嘉
靖間遞修 國朝康熙六年知縣張儀十四年知縣馬勝
雍正九年知縣李宗瀚乾
隆十二年十九年皆增修

瑞昌 在縣治西興教坊右洪武年間知縣李風建後歷修明季
廟盡傾圮 國朝康熙十八年知縣江臯重修置郵廳乾
隆十八年知縣鄒尚仁等
以廟礙學宮路改建學旁

湖口 在縣治前右五十步初建治旁元至正間縣尹張士熙遷
今所尋燬洪武初知縣郝密重建後燬圮復新 國朝順
治二年兵燬五年
知縣李宗臯重建

彭澤 在縣治西興賢坊鳳凰山下洪武初知縣黃安泰建後相
繼增修至 國朝乾隆九年知縣李松泰又增修之十九
年復修嘉慶
十七年重修

呂祖廟 在煙水亭藏典載呂祖曾授德化令故名仙令祠明萬
曆間關督黃騰春因夢呂祖指授母目翳復明即亭舊
址立祠祀之後遞有修治其神號于嘉慶十年奉 旨如
封燮元贊運四字至各省原有廟宇合該地方士民自行供
奉每歲春秋仲月誦吉致祭行六叩禮 祭品五 菓品五
核桃 荔枝 圓眼 棗 栗 各一盤 饅首五盤 蒸

核桃 荔枝 圓眼 棗 栗 各一盤 饅首五盤 蒸

七工序示 廟祀

糕五盤 餅四盤 高頂一盤

許真君廟 在西門外大新門內嘉慶九年奉 旨加封靈威 普濟之神

湖口真君廟 在龔開嶺嘉慶戊辰重修

龍王廟 一在西門外右一在關署前其在南門觀右者雍正十 一年署知府事胡式瑗建廟一重每歲春秋致祭二次

嘉慶丙子年巡道任蘭祐作 龍王頌鐫石嵌壁以報時雨

風神廟 在南門觀之右

昭忠祠 在府治東城隍廟之左嘉慶七年奉 旨建立祀陣 亡之文武大小官員及兵丁鄉勇等各按本籍入祀春

秋致祭動支祭銀二兩八錢八分零內祀康熙年間原任廣 西平南縣知縣周岱生德化人因吳逆叛同長子周儒殉難

雍正八年原任雲南烏蒙府通判劉鎮寶彭澤人士苗滋事 圍城陣亡嘉慶五年原任福建台縣嘉義縣佳興里巡檢姜

文炳德化人會匪滋事被戕嘉慶六年原任陝西漢中府留 灑廳同知汪銓彭澤人押糧至城固縣陣亡馬步戰兵等一

十八名嘉慶九年巡撫秦承恩議定祭儀各屬承祭官俱穿 朝服將事體制不合嗣後着改穿蟒袍補服致祭比祭賢良

祠禮降一等行 一跪三叩禮

劉猛將軍廟 在府治東二里許東嶽廟之左雍正十二年知府 蔡學灝知縣張思恬建廟宇一重每年春秋致祭

次二

曾子祠 在城內八角市去府治東里許宗聖十五代孫據漢封 都鄉侯徙居九江明萬歷二十三年奉旨建祠特祀後

祠之頭門三省堂啓聖寢室被焚 國朝康熙六年知府陳 謙推官金光房德化縣知縣張應年捐資重建乾隆十九年

德化知縣高植捐令另築屏牆兩旁建坊為門以扁每歲致 祭其祀用于明萬歷三十四年權使周守身捐俸置德化鄉

田一十一畝崇禎十五年知府余士常捐置封二鄉沙池湖 田地一十三畝七分 國朝順治七年德化知縣李天祐捐

置封一鄉沉船湖田地二十一畝七分乾隆二十年德化知縣高植將會王氏所遺鄭受戶屯撥租一十石歸祠

清風閣 在府治東祀漢太守宋均每年春秋二祭修建詳古蹟

陶靖節祠 一在府治東豐儲坊原忠烈祠之左明嘉靖間巡道陳洪濛建以後遞修 國朝嘉慶十五年重修知府

方體記一在楚城鄉柴桑山下去城九十里中廢惟遺舊碑題曰晉陶靖節先生故里明嘉靖十二年巡按御史李循義檄知府馬紀出帑贖錢百兩建祠每歲致祭二次春祭祠秋祭墓

德安縣陶靖節祠 在縣治北離城四十里

湖口縣陶靖節祠 舊有二一在學宮東偏元縣尹孫文震建久後圯明嘉靖年間知縣沈詔建祠塑靖節及陸修靜周績之像各三賢祠復圯 國朝順治年間僧一誠募建舊志載左

玩月臺右洗墨池 有流觴曲水遺蹟

湖口縣狄梁公祠 在下鐘觀音巖景奉間建石亭成化間修嘉靖三十八年知縣沈詔立木主祀之後圯七

都壇樹龍亦有梁公祠今存

彭澤縣三賢祠 在縣治北去城一里許舊在縣治東城內右畔專祀陶靖節成化間分巡僉憲錢公山重建併

像狄文惠公向合祀之名二賢祠宏治間知縣王琦改建縣治東山左側嘉靖間知縣戴璋請于提學增祀宋趙昂發更名三賢祠後圯王演疇于祠左買地重建今猶存乾隆三年知縣李松泰建柳洲義學今名春衣書院交迎三賢像于院

丙每歲春秋仲月上戊日致祭焉

彭澤縣狄梁公祠 在舊縣西北去今治二十五里宋紹興間賜額顯正嘉靖間封忠烈侯明賜公爵諡文惠

題曰唐司空梁國狄文惠公之廟天順間典史李紀重建廟廊并置祭器宏治間知縣徐俊增建嘉靖間知縣林時暢續增左右翼房每歲三月三日九月九日致祭縣正佐官詣祠行禮

濂溪祠

在廬山之麓去城七里舊為書院正統初立像後圯宏治間提學副使邵寶請于朝大新之中祀周子以二程子配焉歲久室廡漸傾乾隆二十年德化縣知縣高植清丈祠基復建書院構左右肄業房舍十二間後改建城內詳見書院條每歲春秋致祭二次與靖節同

岳忠武王祠

在文明門內太寧鄉舊為岳王宅旁有洗兵池宋乾道六年建明正德七年知府李從正重建國朝康熙二十一年都司蕭維翰城守王用瑜建中廳為更衣處雍正六年知府蔡學灝重修乾隆十九年德化縣知縣高植捐建中重廟後俱加廟焉每歲春秋祭二次與靖節濂溪同

湖口縣岳忠武王祠

在長虹堤萬歷二十八年稅監李道建國朝康熙五十四年督關舒琳五十六年

雅圖
遊修

李忠文公祠

舊志云在府治東豐備坊祀元總管李黼賜額忠烈書在四牌樓口明宏治三年知府童潮遷此

姪秉昭配焉左為靖節祠外有牌坊曰忠節流芳國朝順治年間為戎府所侵屏墻是其基也乾隆十九年署知縣事江岷改建于八角市考棚之右祠宇一重前有坊額崇烈祠廂房二間每年春秋次丁致祭二次

按公諡忠文舊志作忠烈或作文忠俱誤

王文成公祠

在府治南即陽明書院萬歷間巡道葛寅亮建國朝順治十七年推官胡宗虞重修每歲春秋致

祭

陳氏義門祠

在府治東大街三鳳坊陳氏因祖伯宣雍正四年得遷祀典許立祀生乾隆九年知府施廷翰德化知縣顧錫鬯又詳請每歲春秋致祭陳氏子孫以望京門舊祠僻處城隅不便官祭捐金購地公建

墓祀

陶靖節墓

在楚城鄉面陽山之麓去府治南九十里明正德七年提學李夢陽清復故址置田以備祭祀

周濂溪墓

在城南十三里清泉社栗嶺之下明知府童潮有墓
祀堂記 國朝督學周煌有增置墓田碑記

岳忠武王母姚太夫人墓

在白鶴鄉株窠之麓去府治南四十
里雙峰疊翠如堆螺狀王鎮九江時

高宗賜葬于此正德十二年知府汪穎即墓所建祠後燬于
兵裔孫繼善等重建屋三間

岳忠武王妃李夫人墓

在白鶴鄉太陽山之麓去府治南四十
里其地環峰面日孝宗賜葬于此後被

居民侵佔致訟乾隆五年巡道李根雲知府施廷翰德化縣
知縣景師毅勸復建碑砌築拜臺左立聲叙碑右立封禁碑

慶賀

萬壽宮

即上諭亭

舊在西門內嘉慶十四年巡道阿克當阿捐廉

移建契買能仁寺西首基地一片知府方體督造圍牆內建屋

三層又邊屋十六間東邊墻外官屋二間給看守人居住同空

地二片官不取租其西門內舊基化邑建縣城隍廟

各縣

萬壽宮

德化

附府

德安

在北門內街西雍正七年知縣李宗瀚修乾隆二十年知
縣曹師聖重修

瑞昌

在治西北

湖口

在通濟門內孝感坊乾隆五年知縣趙作霖建

彭澤

在文明門內乾隆間知縣李松泰建

凡元旦令節前後三日上元令節自十四日起至十六日止文

武官咸衣蟒袍

萬壽聖節前後三日不理刑名文武官咸衣蟒袍

萬壽大慶聖節自初一日起至三十日不理刑名仍候

旨通行直省遵照

皇太后萬壽聖節前後三日不理刑名文武官咸衣蟒袍

皇太后大慶聖節自初一日起至三十日不理刑名文武官咸

衣蟒袍仍候

旨通行直省遵照

冬至朝賀與元旦同凡遇三大節是日早文武官員朝服至

萬壽宮立通贊唱鳴鼓五通鼓畢通贊唱排班文武官以次進

排班通贊唱跪叩興文武分東西俱行三跪九叩禮散班文武

東西挨次如坐朝儀

凡遇

詔書至文武官員具龍亭綵輿鼓樂出郭迎接齋生下馬捧

詔書置龍亭中南向齋生立於亭東文武官具朝服北向行三跪九叩禮鼓樂前導齋生上馬隨龍亭後行至

萬壽宮門外文武分東西俯伏候龍亭至庭中衆官以次入序立齋生立龍亭之東西向贊禮生贊排班樂作行三跪九叩禮

齋生捧

詔授宣讀生宣讀生跪受詣開讀案前宣讀衆官皆跪立宣讀畢宣讀生捧

詔授齋生捧置龍亭中衆官行三跪九叩禮畢皆退送齋生回原接所騰黃頌行

詔書經過地方官員軍民人等俱跪路旁候

詔書過方起五里以內文武官俱出城迎送五里以外者不許迎送

迎春儀○每歲迎春於東郊出土牛先期塑造春牛芒神前一

日迎春官常服用鼓吹綵亭迎至署儀門內土牛南芒神東西向立春日早陳設香燭酒果迎春各官具朝服贊禮生贊排班

跪叩與各官行一跪三叩禮與贊禮生贊跪奠酒領班官奠酒三爵唱讀祝文讀畢贊跪叩與各官行一跪三叩禮與昇土牛

芒神行香亭鼓樂前導各官朝服隨後至東郊各官執綵杖環

立土牛兩旁贊禮生贊擊鼓樂工播鼓贊鞭春各官環擊土牛
三禮畢各退

凡迎春禁例康熙十二年覆准嗣後直省府州縣各官拜迎芒
神土牛止用鼓吹綵亭其勒令鹽商當舖行戶粧扮故事臺閣
排列金珠張鼓樂樹旗幟併科派里長提取馬匹車輛伶人娼
婦等項嚴行禁止如有前項靡費並各官借端派累該督撫科
道題叅交與該部議處

土牛式 土牛胎骨用桑柘木身長四尺按四時脚三尺六寸按

百六頭至尾長八尺按八節尾長一尺二寸按十時鞭用柳枝長二

尺四寸按二十氣牛色以本年為法頭角耳用本年天干身用本

年地支蹄尾肚用納音天干甲乙屬木色青地支亥子屬水色

色餘籠頭拘索以立春日日干為籠頭色拘用桑柘木索孟日

用麻謂寅申巳亥日仲日用苧謂子午卯酉日季日用絲謂辰戌丑未日造牛以冬至

節後辰日於歲德方取水土甲年東方甲位乙年西方庚位丙

東南方戊位巳年東方甲位庚年西方庚位辛年南方丙位壬年北方壬位癸年東南方戊位

芒神式。芒神服色用立春日支辰受尅為衣色尅衣為繫腰

色如立春子日屬水衣取土尅水用黃頭髻用立春日納音為

法色繫腰取木尅土用青色餘日做此金日平梳兩髻在耳前木日平梳兩髻在耳後水日平梳兩

髻右髻在耳後左髻在耳前火日平梳兩髻右髻在耳前左

髻在耳後土日平
 梳兩髻在頂直上
 翬耳用立春時為法
從卯至戌八時翬耳用
手提陽時左手提陰時
 右手提從亥至寅四時翬耳或揭或掩寅時揭從左邊子丑二
 時全戴蓋寅亥時為通氣故揭一邊于丑時為嚴凝故全戴
 鞋袴行纏以立春納音為法
逢金木繫行纏鞋袴金行纏左闕
懸在腰左木行纏右闕繫在腰右
 水日俱全火日俱無土
 日著袴無行纏鞋子
 老少以立春年為法
寅申巳亥老于午
卯酉壯辰戌丑未
 幼身高三尺六寸按
 一年三百六十日

鄉約

順治十六年議准譯書六諭令地方官舉行鄉約責成鄉約人
 等每月朔望日齊集公所宣講康熙九年頒

諭十六條十八年准浙江巡撫所輯十六條直解照依鄉約全
 書刊刻各欵雍正二年

御製

聖諭廣訓萬言頒發通行講讀

譯書六諭孝順父母恭敬長上和睦鄉里教訓子孫各安生理
 無作非為

頒行十六條

曰敦孝弟以重人倫

曰篤宗族以昭雍睦

曰和鄉黨以息爭訟

曰重農桑以足衣食

曰尙節儉以惜財用

曰隆學校以端士習

曰黜異端以崇正學

曰講法律以儆愚頑

曰明禮讓以厚風俗

曰務本業以定民志

曰訓子孫以禁非爲

曰息誣告以全善良

曰誠窩逃以免株連

曰完錢糧以省催科

曰聯保甲以弭盜賊

曰解讐忿以重身命

凡朔望日各官及鄉紳士民齊集至

萬壽宮中設

上諭龍牌南向向下設講案北向衆官及鄉紳排班行三跪九叩
禮畢贊禮生唱分班聽講衆官及鄉紳俱分東西席地坐聽士
民在階陛立聽贊禮生唱鄉約東壇唱十六條目畢又擇生員
宣講各條演義講畢退其各鄉村巨堡或遣教官親往集講或
該鄉紳衿里老隨時宣講如式舉行

鄉飲酒禮

直省府州縣每歲正月十五日及十月初一日舉行鄉飲酒禮

擇鄉之年高德劬允符衆望老者一人爲賓其次爲介又次爲衆賓由儒學州縣詳報責成各布政使及該巡撫秉公查察核定舉行仍將所舉賓介姓名籍貫造冊報部如不得其人寧缺毋濫於咨內聲明停止地方官徇情濫舉者卽行題叅若曾與鄉飲之人遇有過犯報部除名外按罪重輕並將原保之官議處府以知府縣以知縣爲主席立一人爲司正主揚觶以罰失儀者以教官充二人司爵二人贊禮二人引禮一人讀律並以生員充

如有鄉大夫來觀者各府州縣三品以上席南向四五品席兩向無則缺之不入舉報之數

前一日執事者於儒學講堂依圖陳設坐次監禮席於廳東北向賓席於堂西北南向主人席於堂東南西向介席於堂西南東向衆賓之長三人席於賓西南向東上皆專席不屬衆賓席於西序東向僚佐席於東序西向皆北上司正席於主人之東北向設律合案於主介間正中又設尊案一於東序端司正豫率執事習禮至日黎明執事者宰牲具饌監禮主人及僚屬司正先詣學遣人速賓介以下比至主人率僚屬出迎於庠門之外揖賓介衆賓皆答揖賓入介衆賓從入主居東賓居西贊禮

者立階前贊揖主及賓三揖三讓而後升堂東西相向立贊兩拜交拜畢賓卽席乃延介一讓升介升拜如賓禮介卽席乃延衆賓以次階升主人揖皆答揖卽席主人率僚屬皆卽席咸坐贊司正揚觶執事者引司正由西階升詣堂中北向立贊起立賓介以下皆立贊揖司正賓介以下皆揖執事者以觶酌酒授司正司正舉酒曰恭惟

朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄弟恭內睦宗族外和鄉黨無或廢墜以忝所生讀畢執事者唱司正飲酒飲畢以觶授執事執事者贊揖司正揖賓介以下皆揖司正復位賓介以下皆坐贊講讀律令執事者舉律令案於堂中贊禮生引讀律令者詣案前北面立賓介以下皆立行揖禮如前讀畢復位贊供饌執事者舉饌案至賓前次介次主三賓以下各以次設贊獻賓主起北面立執事斟酒以授主主受爵詣賓前置於席少退贊兩拜賓答拜訖主退復位贊賓酌酒賓起介從之執事者斟酒授賓賓受爵詣主前置於席少退贊兩拜賓主交拜訖賓退復位主人起獻介介酢主人如前儀乃各就位坐執事者詣三賓衆賓以下以次斟酒於席訖贊飲酒酒三行贊奏樂工升

歌周詩鹿鳴之章卒歌笙奏

御製補南陔詩闕歌周詩魚麗之章笙奏

御製補由庚詩乃合樂歌周詩關雎之章卒歌工告備出執事

者行酒主賓以下飲無算爵贊徹饌訖賓介主以下皆興主僚

屬居東賓介三賓眾賓居西贊兩拜賓主介拜訖唱送賓賓介


眾賓主人以次下堂分東西行出庠門一揖退

凡鄉飲酒禮序長幼論賢良別姦頑其坐席間年高有德者居

上年高淳篤者並之以次序齒而列其有違條犯法者不許干

與善良之席違者罪以違制 有喧嘩揚禪者必以禮責之

鄉飲酒禮圖



鄉賓

德化縣

明 周 慶

熊桂芳

七次

徐可達

九次

柳宗孔

三次

魏予上

二次

夏時雨

二次

蔡春芳

四次

吳士魁

七次

以上俱大賓

何 惠

湯 俊

燕 琳

劉 建

周 紳

吳伯通

傅 文

吳伯明

張 儀

周 憲

翁 涇

李 藻

劉 濟

管 富

李 斌

吳 旭

陳廷模

周 寧

吳天欽

王 欽

陳士澣

柳 培

善人

羅大任

李 勝

曹正用

壽凡十

王節善人壽九十八歲 黃如袍 陳守正 周之棟

黃燁 劉世熙 陳諱 李廷鳳 黃

孫國梁 周應魁善人 譚廷懋 黃思良 陳銳

李逢春 王世貴屢旌善人 蔡榮 陳國寧

余宏祖次二 吳用世次二 吳士章 丁汝舟 金臺次二

黃承 鄭一愷次二 羅世斌 以上俱大賓

國朝順治年 管鳴陞正熊 方存矩 蔡昱壽九十有五

康熙年 陳常 柯琳 梅之蕃 王錫玉 羅繪日

吳用光 管緯璜 蔡之瑜 陳繼善 陳瑄 吳登陞以上俱介賓

丁繩修 周新命 趙士光 陳良俊 吳應麟

羅文華 曹名魁壽九十有二 白瑄 葉映春

黃時生 戴允侯 夏如日 曹玉成以上俱者賓

雍正年 張一柱 喬維棟 萬克昌 熊兆夢 張文學

熊迎澗 廖燧 桂士龍 王言 賀天柱

黃中乾 李芹 許必鍊以上介賓 王德智

曹士佶 宗啟華 周爾明 黃發柱 蔡九桂

周有行 蔣子奇 張文科 馮國璉 胡明選

羅必選 陳紹聖 陳正論 以上耆賓

乾隆年 何澍 戴天眷 張兆瓊 梅臣捷 黃章 以上介賓

李啟山 周公臣 葉曼 金環 盧學哲 呂文煥

曹大成 以上耆賓 大金 增介黃士俊 耆賓 雷啓春

耆壽 附係奉 旨詳報有案者

呂師吉 席生 桂飛霞 文淑仁 蕭應亨

俱年八十以上乾隆二年奉 恩詔詳准八品頂帶

周文光 吳之琮 嘉慶二年奉 恩詔詳准八品頂帶

楊奠邦 黃潤室 施添祿 黃舜權 楊元榮 周熙

雷用賢 江文炳 王相國 陳元哲 魏先旭 湯為貴

鄧榮選 葉紹先 郭際虞 夏念祖 張金星 呂廷選

吳世璧 涂在周 熊定川 吳景全 胡儒凡 陳其芹

呂華松 郭定英 譚文珩 陳士彩 汪中澤 趙應龍

章洪士 周伯士 陶應儀 方紹虞 徐殿侯 熊定剛

胡日成 王允紹 王得賢 常燦廷 李德士 孫士相

楊遇恩 譚大來 彭千祿 劉宗赤 沈欽明 何元楷

葉輝士 趙天衢 楊殿儒 虞相國 陳紹濂 蕭燦章

劉德智 楊亮彩 王武尙 楊章選 王啟岷 于運清

九工府志 卷十五 興禮

胡九昭 黃廷光 蔡述聖 張正 譚殿銳 干思齊

王鳴周 洪時忠 劉明執 張鳴岡 王國太 林維漢

蔡畿遠 王有恒 宗朝相 劉德慧 李萬順 史積禹

曾映祥 余統泰 廖述謨 陳公輯 鄭梅元 郭楚材

陳世傳 葉應蘭 葉同芳 李金階 蔡思珠 虞成九

胡席垣 余明常 吳登壽 曹欽榮 徐觀光 洪大恠

駱班五 陳公元 彭紹文 鍾才富 黎廷貴 吳漢英

桂盛 蔡天祥 黃中發 王安吉 蔡珍 張祖陞

李紹聖 羅秉聖 桂東楷 楊維新 黃又揚 桂景樓

廖大有 廖隆合 夏永明 蔡又梁 樊實廷 李晉員

夏德輝 李啟鳳 胡周山 黃勁亭 李世表 李章斌

花光表 吳光華 劉作榜 袁鳳池 柳華封 劉振周

閔忠康 虞維藩 陶雲從 萬光培 蔡肄槐

以上俱嘉慶二年奉 恩詔詳准九品頂帶

九工府志 卷十五 興禮 者壽

九
卷
三
其
三

德安縣

明

曾思堯

大賓

丁以化

曾求經

介賓

郭廷立

閔敬所

聶晨

丁以斌

潘士俊

以上者賓

國朝順治年

聶仕朝

李日綦

郭希儀

姚顯揚

王廷侃

以上介賓

邱燦

劉國選

周仕禮

王焜

劉應詔

蘇國選

曾憲師

陳希禮

何萬富

朱家俸

桂天來

劉元仕

劉文昌

以上者賓

康熙年

傅愈渥

桂天永

廖復湛

介賓

郭一卿

聶仁臺

郭維始

黃朝冕

曾仕興

周愈俊

劉繼猷

姚雲備 廖萃凡 蕭啟芳 陶正達 傅汝璉 以上者賓

雍正年 鄒登榮 桂發坤 燕日暄 羅秉珪 王心滙

孫之剛 李必公 熊士法 曾恕 吳然

李修教 以上大賓 鄭啟賢 吳點 湯之秀

姚紹烈 馮世球 曾仕任 熊光晟 聶國正

桂登球 郭泗 熊士甲 趙孟洙 以上介賓

劉則行 孔興錦 聶啟章 李枝彬 蘇仲祉 年九十八

張啟祥 熊日瑗 張士雄 劉思師 黃天奇

關宗昌 鄧國高 劉泉行 袁道麟 曾光璞

孔若文 熊光越 以上者賓

乾隆年 汪應球 曾仕杰 袁道林 王維桂 王維楷 以上大賓

桂俊 劉鵬 羅秉彝 邱之徒 桂登珠

萬寶 以上介賓 鄒大綸 蔡正源 鄧定正

周思湧 潘達宗 張國柱 以上者賓 李修斐

王傳熹 程聖功 李枝勸 湯佑賢 俱大賓

黃世甲 湯正邦 次 王芳烈 俱介賓

王恩任 戴應元 李修育 譚子瑾 俱者賓

嘉慶年 燕位垣 大賓 聶章文 介 蔡曜南 者賓

瑞昌縣

明朱節 鄧宏忠 周紳 程福春 劉文

陳伯瑢 張永富 蔡鳳翔 李琪 陳璟

曹最 陳玠 張錦 華萬山 曹國相

何玉 周世統 董昊 曹冕 劉澄

吳廣迪 徐釗 周世紳 曹焜 何世義

陳文林 程天章 陳廷鳳 何世興 周世武

方天義 吳湧 陳聚 吳尙正 曹崙

陳謙 陳裳 曹一德 周正大 章顯祿

聶道昌 重斯楮 萬壽松 周克俊 陳卿抑

蔡永寧 熊楠 周汝上 蔡汝楫 熊桂

李朝陽 潘良儀 周尙友 王守正 陳尙信

李闡 周紹倫 張時逢 文萃 李廷臣

蕭迪祖 李權 吳上賓 張吉 李廷鳳

文波 劉正紀 蔡廷寵 李尙哲 陳良善

陳宗弼

國朝

文克濟 周啟善 陳玉鉉 張禮六 陳三祝

董斯庠 李法 馮守武 談福芬 吳傑侃

談福德 王錫珍 田煥宇 張梧 李模

陳汝倫 何一淳 陳君左 熊鳳 何運隆

周兆元 馮子璨 陳應熙 李二南 李大開

胡永弼 周俊 周良大 李傑 吳錫統

潘士淑 潘道登 萬一礪 左尼 李應樞

徐翔 何焯 文德至 陳旦崇 楊宜生

潘士漢 陳紀 張士中 周文溥 潘涯

陳以珣 劉勝祥 陳大儒 田國瑩 周及道

劉振古 徐洪圖 潘士汲 鄧芳 周季冕

何葵 李繼虞 陳士托 曹之炯 陳醇儒

熊士騶 楊文炷 周亨乾 田以植 胡其麀

易翔鳳 周文慶 柯友濟 徐皐 劉承緒

梁良 吳洪畧 何志芬 以上年失考

嘉慶元年黃巨江 大賓李鼎 介賓劉耀周 著賓

附劉友昆 康熙年劉永清 李尊榮 乾隆丁丑劉嗣中 鄉飲

徐宗夏 曾拔衆 嘉慶元年奉文鶴皋 准給八品頂帶

何平鉅 周茂彩 孫天權 萬富昌 周純粹

柯繼章 周文昭 嘉慶元年奉恩詔詳准給 九品頂帶

湖口縣

明 梅 香 黃 泳 李 景 時 劉 衍 沈 浩

沈 灌 梅 慶 張 經 張 縉 周 子 成

梅 恂 孫 環 曹 瓚 梅 琛 鄒 棻

傅 蘭 徐 珊 吳 英 劉 文 茂 孫 燧

楊 璽 段 鎬 張 世 珊 王 燧 孫 琢

王 璫 胡 萬 珊 周 憲 王 朝 憲 陳 蒼

李 銑 段 廷 梧 徐 庭 樞 李 成 玉 周 元 善

陳 天 爵 饒 天 一 徐 正 尊 徐 正 任 李 芳

徐 天 錫 王 之 臣 梅 鎮 徐 燾 饒 凌 山

李 成 謨 左 維 利 王 崇 善 陳 彥 寵 沈 英 哲

柳 元 達 陳 君 用 廖 正 亮 沈 元 清 周 僉

段 孟 選 廖 正 甯 以 儉 周 義 曹 守 質

周 信 道 彭 汝 聰 王 國 科 柳 必 紀 周 國 學

曹 尚 銓 徐 可 為 字思三寬之祖歲荒賑饑鄉人德之

彭 啓 肇 楊 道 貴 楊 榮 立 余 尚 崢 以上耆賓

蕭 維 藩 吳 若 珍 段 徽 周 世 珍 許 祿 錫

潘 啓 濬 廩監 周 登 雲 沈 俊 顛 王 命 泰

國朝順

治年

康熙年

九江府志 卷之五 職官 三十五

周應果 一左邵明 周之旦 黃甲鼎 沈俊璵

周應解 徐懋忠 石之峰 楊起盛 以上俱介賓

陳行堯 廖世貞 周家贊 吳東旭 王必迎

張元佑 曹時良 楊日藻 徐順智 張榷思

周之乾 徐肅吉 秦崇古 沈士英 以上俱耆賓

雍正年 黃士琳 蔡利見 劉賢恭 駱相吉 汪俊文

張元桂 周立遇 葉開 吳一驂 廖宗衡

黃士屏 王繡 李潔 王為軾 以上俱正賓

陳瑀 易目旭 彭成秀 周慧 吳碧

劉賢寬 段自元 左肇裔 沈俊湘 周立古

陳彥 梅錫文 殷光祖 周讚 石淳 以上介賓

吳一才 曹宏清 張元拔 周仁御 曹省一

梅昌泰 周一忠 李成明 郭汝命 周季禮

柳國型 柳芳 張元橫 郭汝中 方孔淑

周季釗 以上俱耆賓

乾隆年 徐需 梅鼎珀 駱士杜 蔡鳳獅 張紹良

高夢旦 徐寬 以上俱正賓 周昌春 劉達春

李必秀 周仁溥 郭溢 蔡俞 周季岫

蔡洛 喻良佐 以上俱介賓

周之聰 江邦孝

周中揚 吳之釧 沈賢拔 郭汝輝 譚興銘

周仁佑 戢世綸

明者賓 補遺 周天泌 周家順 李萼 蔡良言

國朝者賓 補遺 周位 李德時 周南 柳華瀾 蔡以遶

王代賢 介賓 補遺 周正常

續乾 隆年 徐山 蔣冲谷 余騰漢 周之會 黃時見 俱大賓

王必泰 朱孔陽 吳逢遇 劉文斗 吳家波 俱介賓

王為旦 蔡恒芳 潘啟鳳 潘啟顯 譚作勝

歐陽大文 伍法昂 俱者賓

嘉慶 年 周厚輻 大賓 饒夢鶴 李文蔚 俱介賓

周厚達 饒達曠 徐甲三 俱者賓

耆壽 附

明

歐陽璘 字帶湖 嘉靖六年歲貢 任密雲知縣 壽百歲

國朝

張萬粹 字盛齋 八都民生於嘉靖辛酉 卒於順治庚子 壽百歲 少訓蒙 四十而歸 老賣卜 多奇中 將卒之歲 自課知

不免 性嗜酒 所得卜錢 悉以鬻酒 知縣裔 錄嘗擬造訪 張扶杖 來見 矍鑠 如平人 喬給百歲 匾將為 詳請 會卒不果

左柱明

字石若十三都民明天啟甲子生雍正癸卯庠生呈報

百歲學政徐昂發匾曰壽邁壺邱屆期知縣高純佑詣

吳必誠

生於康熙丙辰卒於嘉慶乙亥壽百歲子世蛟南湖營

以上百歲

沈俊珠

字孔惠郡庠生

王為黼

邑庠生

梅昌先

王連玉

楊子干

以上係乾隆元年奉恩詔詳准八品頂帶

許澤遠

周余霖

以上係嘉慶元年奉恩詔給七品頂帶

柳顯廷

李為相

江呂輝

沈均佐

楊庶占

楊黃佐

徐萬堅

王朝拔

葉希孔

程良友

吳正廣

吳國華

聞紹恒

葉三進

徐德信

張偉頌

李檢

董元士

陶允秀

馬天祿

劉恭巳

以上係嘉慶元年奉

恩詔詳准八品頂帶

陳興楷

蕭達貌

胡書禮

屈灝玻

周仁勳

張成雍

楊有仁

王承協

蔡文驄

柳禮記

歐陽文寬

蔡大經

陳代連

歐陽繼志

孫國玉

沈秀鐸

周昌兌

周昌義

周厚謀

王長春

梅錫祜

傅季秀

歐陽恢緒

曹宏孝

余又章

以上係嘉慶元年奉

恩詔詳准九品頂戴

陳鵬展

二十都監生子三孫八曾孫十元孫十一親見七代

恩給眉壽延慶匾額

并緞匹銀兩享年九十一而終

王彩廷

奉撫院姚詩

旌五世一堂

彭澤縣

明

計時中

馮景榮

王德珣

柯永常

陶英

李伯顏

何彥章

陶藥

王朝用

計琦

劉宗

柯茂元

田安

壽九十九歲

劉聰

王朝同

歐陽耀山

丁以誠

何文獻

何文思

歐陽朝立

劉士禴

劉緩

王世鰲

劉克仁

劉瑚

劉克敬

歐陽峻山

何燦

高文

劉廷槐

鄔必顯

壽九十歲

徐文善

馮世輔

歐陽寬

饒乾一

壽九十九歲

田永廣

柯德文

劉 珊 壽八十九歲 何 珽 田永豐 田永貴

朱 禮 何 難 魯 瓊 凌 才 葉廷椿

畢 釜 畢希聖 丁 溢 生員 王廷杏 時自新

王演謀 張一溢 張 灑 周禮讓 生員 張 瀕

郭兆麟 王演綸 生員 王立初 會顯舜 周 銳

汪焜燦 周禮謨 歐陽 正經 胡宗祿 計守成

高可濟 宋一溥 項作璉 徐季常 洪思武

王心照 喻欽三 歐陽惠 百歲坊 凌明祥

胡天朝 阮鳴章 劉世鍾 生員 歐國賓 生員 凌尙宋

王一蘭 王朝相 生員 壽九十八歲 王國章 丁時敏

凌尙棠 饒 煥 歐陽時 歐陽約 張秉樞

歐陽儻 計 錦 何 袞 計 鍾 嚴炳嘉

王 貫 計如淵 宗 謨 儒官孝子 鄧 資

曾仲英 張士憲 危世高 柯富鄉 高文美

李 沐 生員 曾季柏 柯 臺 高世絲 蕭鳴韶

汪懋桂 高志建 黃金甫 汪焜燦 曾 唯

王演績 生員 時 侃 歐陽 華殿 張向明 王 清

劉元嗣 凌尙啓 龔廷玉 計 鑑 徐時秩

九工府宗 卷五 其豐 鄉賓 三九

詹一慎

國朝順治年

胡元達 葉朝亮 曾子節 高啓魁 歐陽學貫

饒萬蕃 員生 周純賢 程子高 凌一燦 員生 曾經文

胡元亨 以上大賓 張日亨 壽九十三 方可愷

歐陽映濟 袁正柏 陳國啓 王三樂 周禮重

凌一相 歐陽邦彥 壽九十七 汪應爵 百歲 高可恒

歐陽映淇 以上介賓 陽源坤 柯汝儲 扶世祿

袁子璧 鄧國明 汪心權 黃道宏 張明覺

鄧命典 歐映星 張道時 方大鉞 補

年 彭立縉 歐陽明耀 王文美 監生 高可相 員生 高洪鵬

高龍光 生員 壽九十九 周濟元 增 劉 崧 歐陽煥實 員生

劉 傳 員生 方大成 項繼儒 劉士英 員 徐 偉 員生

汪在衍 員生 張應圖 員生 張學俊 增 畢煥青 員生 程曰吉 員生

馮象光 增 以上大賓 饒 和 馮求元 柯孝先 壽九

曾顯初 柯桂璜 畢自啓 柯枝闕 朱孔道 壽九

鄔尙友 百歲 袁勳元 胡守忠 汪懋森 曾日恭

陳啓心 譙欽瑄 壽九十三 艾方蘭 曹明琇

高攀蛟 饒君芳 以上介賓 詹學超 高可泰

會啓敬 張道純 劉汝秀 胡金一 扶起倫

畢自明 徐道溥 葉耀春 陶炎照 鄔明佐

葉日彬 萬乾 柯誦先 汪亨聰 胡茂桂

歐陽映翰 歐陽來昌 以上耆賓

雍正 馮若騰 劉臺 汪鑑淑 光緒 計應標

柯國棟 歐陽儀 饒有任 王煥盛 汪任

王贊 高洪勳 胡應宗 計應弼

劉世嘉 喬培 張萬禔 柯秉躬 曾遂盛

歐陽方堯 歐陽啓校 丁應樹 歐陽學照 方學乾

徐興澤 陽重海 柯秉栢 何宏美 柯秉樞

歐陽呈昊 丁冠冕 時鍾瑞 周家儒 歐陽學武

魏肇彩 汪鎮俗 以上耆賓

乾隆 汪鑑淑 王宗猷 凌基棟 歐陽聯

歐陽愷 丁應鼎 士芹 丁特

馮光騰 高欽掄 周勝商 畢增寅

耆壽 附

汪汶明 百有二歲建 朱國化 戴惟光 朱星德 計錦義

昇平人瑞坊

以上年俱百歲

陶明用 葉廷柯 馮文潛 計 瓏 項壽信 陶炎斌

宋同人 王秉彝 王秉運 鄔天泰 高鴻鈞 汪通啟

歐陽盞榮 洪惟月 傅宗科 周禮統 計夫取

汪泰交 王雲吉 計清可 歐陽自阜 陶文招

鄔攀龍 劉同智 王春潤

以上年俱九十以上

曾德周 江文憲 黃文臻 計希孔 胡 暹 馮之麟

劉煥黎 歐陽光遜 韓世祿 歐陽明烈 朱能理

張嘉猷 周世霖 丁期寧

以上年俱八十以上

袁大正 以州同職借補四川成都縣丞署漢州知州事年八十一歲子三人係九人曾孫七人元孫一人五世同

堂乾隆五十五年奉撫憲姚 奏請 欽賜 眉壽延慶匾額今其孫魁礪金皆入仕

何 鵬 邑庠生現年八十八歲子三人孫十人曾孫十四人元孫一人現在五代同堂孫燿邑庠最知名

陳日翥 監生年八十二歲邑令高錫以五代同堂匾額

柯 梧 監生年九十二歲眼觀五代同堂

吳紹舉 監生現年八十一歲邑令泰贈以仁瑞衍祥匾額五代同堂

耆壽

許燭生 年百十七歲

德安 耆壽 補遺

詹天相

劉廷鑿

王芳寧

王西岐

劉又剛

以上據首士採報縣冊有名者均係嘉慶元年奉 恩 詔詳報在案

官民婚禮

一凡一品官婚禮納幣金約領一金簪三金珥二緞衣三襲緞

衣及衾縵二具二品官衣及衾縵各減一三品官金簪減一四品官

衣及衾縵又各減一無金簪五品六品以下均同其金約領及

金珥四品以下各視其力能具者備用軍民以下人等婚禮納

幣衣一襲衾縵一具

凡有品級官員婚嫁或用本官執事鼓樂人不得過十二燈不

得過十二生監軍民不得僭用執事鼓樂人不得過八燈不得

過八庶民婦女不得僭用冠帔補服大轎

冠服通例

商賈有捐納職銜者冠服各從其品無職銜者與庶民同

凡考職吏員在籍止用頂帽不得僭用補服內外各衙門供事書吏非年滿考職者並不得僭用金頂

奴僕優伶皂隸只准服用繭綢毛褐葛布梭布貉皮羊皮其紡絲綢綢緞紗綾羅及各種細毛俱不准服用冬帽用染驪鼠獾皮不得用貂
一品官大臣直省督撫雨衣雨帽均用大紅色文武二三品兩帽用大紅色四品以下雨帽均紅頂黑邊七品以下黑頂紅邊無職人不得用紅色油帽氈帽並同

官民喪禮

一品官喪用采棺朱髹飾金花陳鞍馬六匹覆棺以銷金青藍色緞

爲帷昇夫六十四人用銘旌九尺初祭大祭楮帛二萬八千羊五饌筵十席

二品官殯日陳鞍馬五匹初祭大祭皆羊四饌筵八席楮帛二萬四千餘與一品官同

三品官喪殯日陳鞍馬四匹覆棺以青藍雲緞爲帷昇夫四十八人初祭大祭皆用楮帛二萬饌筵六席羊三餘與二品官同

四品官喪殯日陳鞍馬三匹用銘旌八尺初祭大祭皆用楮帛
一萬六千饌筵五席餘與三品官同

五品官喪殯日陳鞍馬二匹初祭大祭皆用楮帛一萬二千羊

二饌筵四席餘與四品官同
以上槨輦皆槩以殊

六七八品官喪殯日覆棺用青藍素緞為帷昇夫三十二人用

銘旌七尺初祭大祭皆用楮帛一萬饌筵三席與五品官同

九品官及有頂帶官員喪覆棺用青絹昇夫二十四人餘與八

品官同
以上頂輦皆飾以紅堊

兵民喪發引陳鞍馬一匹覆棺以布昇夫十有六人
槨輦兩端飾以黑

中飾紅堊祭用楮帛六千饌筵二席羊一餘與有頂帶官員同

一一品至三品家祭之禮于居室之東立廟五間中三間為堂

左右各一間為夾室四品至七品廟三間為中堂左右為夾室

八九品廟三間中廣左右狹皆奉高曾祖禰四世昭左穆右以

正室配一品至三品陳羊一豕一四品至七品特豕八品以下

豚肩不特殺三品以上每案俎二釧二敦二籩豆各六八品以

下邊豆各二俎一釧敦數同

一品二品官員墳圍墻一面各十七廣半共七十廣二戶看守

三品四品五品官員墳圍墻四面十五廣共六十廣一戶看守六

品官以下有頂帶官員以上墳圍牆一面六度共二十四度庶民墳圍牆一面四度共十六度六品官以下庶民以上看墳不過二人

墳瑩石獸一品職官瑩地九十步墳高一丈六尺二品瑩地八十步墳高一丈四尺三品瑩地七十步墳高一丈二尺以上石獸並六四品瑩地六十步墳高一丈五品瑩地五十步墳高八尺以上石獸並四六品瑩地四十步七品瑩地二十步墳高六尺以上發步皆從瑩心數至邊五品以上許用碑龜趺螭首六品以下許用碣石方趺圓首庶八瑩地九步穿心十八步止用擴銘一品以下兵民以上居喪二十七月內不宴會不鼓樂不娶妻不納妾門戶不換舊符

服制

凡服制有五其等差有八曰斬衰三年曰齊衰杖期齊衰不杖期齊衰五月齊衰三月曰大功九月曰小功五月曰緦麻三月一斬衰三年者子為父母子之妻同子為繼母

父之慈母謂妾後妻子無

母父命他養母自幼過房子之妻同庶子為嫡母為所生母庶

妾養之者與人者子之妻同為人後者為所後父母為人後者之妻同女在室為父母已嫁被出而反在室者同嫡孫承重為祖父母祖父俱亡

承重為高曾父母嫡孫之妻同為人後者妻為夫妻為家長

一齊衰杖期者嫡子眾子為庶母謂父妾嫡子眾子之妻同子

為嫁母謂親生母父子為出母謂親生母父夫為妻父母在不杖

一齊衰不杖期者祖為嫡孫父母為嫡長子及眾子父母為嫡

長子之妻父母為女在室者父母為子為人後者繼母為長子

眾子子為從居改嫁繼母謂父卒繼母改嫁而已從之者從子為伯叔父母及

姑在室者為親兄弟及姊妹在室者為親兄弟之子及女在室

者孫為祖父母孫女為祖父母雖適人不降庶孫為生祖母慈母

養母女出家為父母為人後者為其本生父母仕者解任士子

獨子出繼以一人承兩房宗祀原例雖無服則明父也既為人後其嗣父故自應服喪三年至木生父母病故則喪不並行例

止期女在室及雖適人而無父與子者為其兄弟姊妹及兄弟

之子兄弟之女在室者女適人為兄弟之為父後者婦為夫兄

弟之子及女在室者妾為家長之父母及家長之妻妾為家長

之長子眾子與其所生子為同居繼父兩無大功以上親者

一齊衰五月者為曾祖父母女孫雖適人不降

一齊衰三月為高祖父母女孫雖適人不降為繼父先同居今

不同居者自來不同居者無服為同居繼父兩有大功以上親者

一大功九月者祖為眾孫及孫女在室者祖母為嫡孫眾孫及

孫女在室者生祖母為庶孫慈養祖母同父母為眾子婦及女之已

嫁者慈母養母為其子婦同伯叔父母為從子婦及兄弟之女已嫁者為

人後者為其兄弟及姑姊妹在室者夫為人後其婦為夫本生

父母為已之同堂兄弟及同堂姊妹在室者為姑及姊妹之已

嫁者為兄弟之子為人後者女出嫁為本宗伯叔父母及兄弟

與兄弟之子及姑姊妹及兄弟之女在室者婦為夫之祖父母

為夫之伯叔父母

一小功五月者為伯叔祖父母謂祖之親兄弟嫡孫眾孫為庶祖父母

為同堂伯叔父母謂父之親兄弟為同堂姊妹之出嫁者為再從兄弟

及再從姊妹在室者為同堂兄弟之子及女在室者為祖姑在

室者謂祖之親姊妹為堂姑之在室者謂父之同堂姊妹為兄弟之妻祖為嫡

孫之婦為兄弟之孫及兄弟之孫女在室者為外祖父母欽定義

疏云外祖父有當服者六子為因母之父母一也因母即親母也母出為繼母之父母二也庶子君母在為君母之父母三也

君母即嫡母也庶子為繼母之父母四也庶子不為父後者為已母之父母五也為人後者為所後母之父母六也又云繼母多則服在堂

繼母之黨為母之兄弟姊妹為姊妹之子及女之在室者為

人後者為其本生母之父母為其姑及姊妹之嫁者婦為夫兄

弟之孫及孫女在室者婦為夫之姑及夫之姊妹在室出嫁同婦為

夫之兄弟及夫兄弟之妻婦為夫堂兄弟之子及女之在室者

女出嫁為本宗姊妹之出嫁者為本宗堂兄弟及堂姊妹之在室者有子之妾為家長之祖父母

一總麻三月者祖為眾孫婦曾祖父母為曾孫曾孫女高祖父

母為元孫元孫女祖母為嫡孫眾孫婦為乳母為曾伯叔祖父

母為族伯叔父母為族兄弟及族祖姊妹在室者為曾祖姑在

室者為族祖姑及族姑在室者為兄弟之曾孫及曾孫女在室

者為兄弟之孫女出嫁者為同堂兄弟之孫及孫女在室者為

再從兄弟之子及女在室者為祖姑謂祖之親姊妹及堂姑謂父之堂姊妹及

已之再從姊妹出嫁者為同堂兄弟之女出嫁者為父姊妹之

子為母兄弟之子為母姊妹之子為妻之父母為壻為外孫及

外孫女為兄弟孫之妻為同堂兄弟之妻為同堂兄弟子之妻

婦為夫高曾祖父母為夫之伯叔祖父母及夫之祖姑在室者

為夫之堂伯叔父母及夫之堂姑在室者為夫之同堂兄弟及

同堂兄弟之妻為夫之同堂姊妹在室出嫁同為夫之再從兄弟之

子及女在室者為夫同堂兄弟之女出嫁者為夫同堂兄弟子

之妻為夫同堂兄弟之孫及孫女在室者為夫兄弟孫之妻為

夫兄弟之孫女出嫁者為夫兄弟之曾孫及曾孫女之在室者

女出嫁為本宗伯叔父母及祖姑在室者為本宗同堂伯叔父

母及堂姑在室者為本宗堂姊妹之出嫁者為本宗堂兄弟之子及女在室者

九江府志卷十六

食貨 戶口田產 屯衛 雜稅 蘆課 關稅 積貯

八政首食貨所以務本而重民也因物土之宜而布其利則民生國計俱有攸賴我

朝軫念民依輕徭薄賦民屯無稅課之苦且丁不加徵災必有賑積儲備旱潦之需權關寓勤卹之意以故時和年豐庶富成象百昌繁殖萬物咸若恬熙於浩蕩之宇矣志食貨

戶口田產

原額人丁婦女共二萬七千三百七十八丁口內優免人丁三千六百九十五丁各縣派徵不等原編起存各款銀共五千八十兩八錢六分五釐二毫外原報新收人丁二千七百五十一丁該增銀四百九十六兩一錢一分五釐五毫又自順治十四年起至康熙五十年止各屆編審新收男婦一千七百五十五丁口增銀四百二十三兩八錢八分二釐見在男婦三萬一千八百八十四丁口實共編銀六千兩八錢六分二釐七毫

十人丁原編二萬一百九十四丁原編銀四千五百一十八兩八錢七分八釐八毫原新收人丁二千七百五十一丁該增銀四百九十六兩一錢一分五釐五毫節屆編審新收人丁一千七百三十七丁增銀四百二十三兩八錢一分六毫見在人丁二萬四千六百八十六丁實計編銀五千四百三十八兩八錢四釐九毫

一不成丁原額四百九十四丁原編銀七十四兩五錢二分四釐三毫

一婦女原額二千九百九十五口原編銀一十一兩八錢八分一釐五毫節屆編審新收婦女一十八口增銀七分一釐四毫

見在婦女三千一十三口實計編銀二十一兩九錢五分二釐九毫

一優免人丁三千六百九十五丁原編銀四百七十五兩五錢八分六毫又於順治十四年奉文補徵免外叩解不准紳衿優免丁銀一百四十二兩六錢五分三釐九毫共計丁口銀六千一百四十三兩五錢一分六釐六毫於雍正五年奉文攤派通省地糧內均勻帶徵德化縣現應減徵丁銀三百四十二兩八錢二分七釐德安瑞昌湖口彭澤四縣現應增徵丁銀一千六百二十四兩五錢七分四釐

實徵銀七千四百三十五兩二錢六分四釐

仍俟五年將減各數照例均攤

又於康熙五十二年欽奉

恩詔以五十年丁冊定為常額續生人丁永不加賦

自康熙五十五年起至乾隆三十六年各屆編審新收除抵補開除外實共

盛世滋生人丁一萬一千六百三十三丁婦女五百六十六口俱遵

恩詔永不加賦

其婦女於乾隆十一年人丁於乾隆三十七年先後奉文停止編審

原額官民田地山塘增新陞共一萬二千七百四十六頃四十一畝七分二釐八毫房屋四千六百一十八間

各縣派徵不等原編起

存各款并加增九釐地畝銀共七萬三百七十九兩三錢九分
七釐七毫內各色優免米四千二百八十一石二斗九升五合
五勺該派差銀二千七十二兩二錢七分四釐九毫六絲三微
七纖內除德化縣封郭桑落三洲免差銀四百五兩八錢八分
四釐八毫不徵外又優免銀一千六百六十六兩三錢九分一
毫六絲三微七纖於順治十四年奉支叩解不准紳矜優免應
仍入實徵實編銀六萬九千九百七十三兩五錢一分二釐九
毫又原新墜田地山二頃七十九畝八分四釐二毫該增銀五
兩五錢七分三釐七毫又額內原丈虧折塘一十畝八分二釐
該減銀五錢六分八毫又先於順治十年題

准開除德化縣水冲崩江田地塘五十五頃九十畝五分三釐
該減銀一百四十八兩三錢一分一釐四毫又於乾隆六年題
准開除瑞昌彭澤二縣坍荒田地九十七頃二千三畝四分一
釐該減銀一百六十八兩一錢五分二釐五毫六絲三忽二纖
一沙六塵

以上原荒續荒田地塘一百五十三頃二十三畝九分四釐共
減銀三百一十六兩四錢六分三釐九毫六絲三忽二纖一沙
六塵節年開墾原荒田地一頃七十三畝二分二釐一毫九絲

六忽陞補銀四兩二錢八分七釐七毫三絲尙共實荒田地塘
一百五十一頃五十畝七分一釐八毫四忽實荒銀三百一十
二兩一錢七分六釐二毫三絲三忽二纖一沙六塵又化安瑞
湖彭五縣開墾認墾額外新生田地山一百五十二頃六十五
畝九分七釐二絲四忽五微六纖三沙三塵新增銀二百一十
兩六錢三分八釐七毫二絲九微三纖

見在成熟田地山塘一萬二千七百五十頃二十六畝房屋四
千六百一十八間實徵銀六萬九千八百七十六兩九錢八分
八釐外并入德化縣例免差銀以符後開田地山塘實徵之數

原額江南倉正副米一萬四千七百二十九石三斗六升二合
二勺二抄四撮內除題留收折正副米一萬三百一十石五斗
五升三合五勺五抄四撮徵銀不徵米外實共編米四千四百
一十八石八斗八合六勺七抄原新收田地山增米一斗六升
九勺二抄原丈折塘減米三升一合八勺除原荒米七石七斗
三升三合八勺四抄除續荒米一十一石三斗七升六合七勺
四抄八撮八圭九粟六粒共荒米一十九石一斗一升五勺八
抄八撮八圭九粟六粒節年開墾原荒陞補米二斗二升三合
五勺五抄六撮七圭尙實荒米一十八石八斗八升七合三抄

二撮一圭九粟六粒又開墾認墾額外新生增米七石四升九合

實徵米四千四百七石九升九合八勺

以上丁田二項除免差并荒缺外應編各款及續奉扣解不准

紳衿優免實共徵銀七萬七千三百一十二兩二錢五分二釐

又匠班改歸地糧編徵正脚銀九十七兩五錢二分四釐折色

時價增徵正脚銀八十六兩四錢七分二釐本色時價會議增

徵正脚銀八兩八錢五分二釐核減本色新增時價銀二百八

十三兩三錢四分八釐外雜辦府商稅正脚銀五十三兩四錢

二分七釐縣商稅茶酒魚課麻鐵料等款正脚銀一千六百四

十四兩二錢三分六釐內除彭澤縣減免細徵難徵商稅銀一

兩八錢二分五釐實徵銀一千六百四十二兩四錢一分一釐

兵糧耗費銀六十三兩

總共額徵起存正雜等銀七萬九千五百四十七兩二錢九分

六釐 遇閏加銀一千九百八十八兩七錢五釐

一原書編載折色起運戶禮工三部共額銀二萬四千一百一

十三兩四錢九分六釐 內德化縣新墾田畝扣抵原荒銀三兩二錢三分三釐 內除荒銀

一百三十二兩二錢六分二釐實徵銀二萬三千九百八十一

戶口田產

兩二錢三分四釐又原書刊載改抵兵餉銀八千三百七十四兩三錢七分六釐會議裁解銀一千七百五十七兩六錢匠班改歸地糧銀九十七兩五錢二分四釐本折色時價及該減原價正脚共銀三百七十八兩六錢七分二釐先後奉裁官役俸食及雜支驛站等款共銀二萬五千三百七十一兩七錢七分二釐外扣解不准紳衿優免丁糧一千八百九兩四分四釐增徵丁銀一千六百三十四兩五錢七分四釐雜辦府商稅正脚銀五十三兩四錢三分七釐縣商稅茶酒魚課麻鐵料等款銀一千六百四十二兩四錢一分一釐兵糧耗費銀六十三兩

以上自改抵起至兵糧耗費止共額銀四萬一千一百八十二

兩四錢一分

德安湖口瑞昌彭澤四縣新收丁田銀四百九十七兩八錢九分五釐增入此內

通共三

部并裁解各款共銀六萬五千二百九十五兩九錢六釐內除

荒銀一百三十二兩二錢六分二釐節年陞補及額外新生銀

六百三十四兩六錢八分二釐乾隆六年題

准荒銀一百六十兩六錢四分一釐

實徵銀六萬五千六百三十七兩六錢八分五釐內除人丁攤

派有糧屬縣應減徵銀三百四十二兩八錢二分七釐辦解本

色物料銀三十三兩四錢三分四釐原編續增改編通判巡檢

俸工府倉斗級工食並新增

文昌帝君品儀歸入經費驛站項下銀七千三百四十三兩三錢一分四釐外

實解起運地丁銀五萬四千九十一兩四錢二分內本府商稅正銀五十一

兩九錢八分二釐遇閏加銀九百一兩六錢三分九釐內本府商稅閏銀五兩五錢三分三釐起運驛站銀二

千三百五十四兩遇閏加銀六十一兩五錢腳耗銀五百八十兩九錢七釐

內本府商稅腳耗銀一兩四錢五分五釐遇閏加銀五兩八錢二分內本府商稅腳耗閏銀一錢五分五釐起運折

色物料銀八百九十一兩七錢八分三釐

一現辦本色物料銀硃五梔子桐油等項共正墊腳銀三十三

兩四錢三分四釐

一協濟隨漕銀數原額協濟各衛所漕運旗軍月糧倉米銀二

千四百七十三兩一錢五分五釐原荒銀一十二兩八錢一分

六釐又瑞昌彭澤二縣乾隆六年續荒銀七兩五錢一分二釐

節年陞補銀三錢九分七釐又德化德安瑞昌湖口彭澤五縣

額外新陞銀三兩七錢二分七釐實徵銀二千四百五十六兩

九錢五分一釐

一本色原解江南倉米改抵本省兵糧除七分折銀外實存本

色三分南米改充兵糧四千四百一十八石八斗八合七勺又

德安縣新墾田地由增米一斗二合七勺二抄共原額米四千

四百一十八石九斗一升一合四勺內原荒米七石七斗七合

四勺

係德化縣原新墾米二升六合五勺抵外實除此數

又瑞昌彭澤二縣乾隆六年續

荒米一十一石三斗七升六合七勺節年墾補米二斗八升三

合六勺又德安瑞昌湖口彭澤四縣額外新墾米六石九斗八

升八合八勺實徵兵米四千四百七石九升九合七勺內

一坐給九江鎮兵丁月米二千三百三十二石八斗

一坐給南湖營兵丁月米一千三百九十三石二斗乾隆四十

七年奉准 部支刪除九江鎮公費一十一名應減德化縣本

色米七十五石六斗歸於裁兵米項下徵解又刪除南湖營公

費十一名應減湖口縣本色米三十九石六斗歸於裁兵米折

項下徵解外實給九江鎮兵丁月米二千二百五十七石二斗

實坐給南湖營兵丁月米一千三百五十三石六斗

一裁兵餘剩折色米七百九十六石二斗九升九合七勺每石

折銀六錢共該折銀四百七十七兩七錢八分前件查前項裁

兵折色兵米七百九十六石二斗九升九合七勺案於乾隆四

十九年因南九信三衛所減徵餘租缺額奉文自乾隆四十八

年為始每石加價銀一錢九分二釐八毫九絲二忽二微六纖

實在加增兵折抵補餘租銀一百五十三兩六錢

一解給各衙門經費分巡廣饒九南兵備道項下編銀三百三

十五兩一錢坐彭澤縣知府項下編銀四百二十九兩五錢坐湖口縣同

知項下編銀二百五十一兩一錢坐湖口縣通判項下編銀二百三

十一兩一錢坐德化縣經歷項下編銀七十六兩坐瑞昌縣照磨項下編

銀六十七兩五錢二分坐彭澤縣通遠驛驛丞項下編銀九十三兩

七錢二分坐德化縣本府儒學二員項下編銀一百三十兩六錢坐瑞

昌縣知縣五員項下編銀二千四百九十兩坐各縣典史五員項下

編銀三百三十七兩六錢坐各縣各縣儒學一十員項下編銀六

百五十二兩坐各縣巡檢五員項下編銀二百一十七兩六錢坐德

化瑞昌彭澤三縣

以上分巡道起至巡檢止共銀五千三百一十一兩八錢四分

遇閏通遠驛丞弓兵加銀一兩五錢五分

一解本府支用各項銀數府學廩生四十名廩糧銀八十兩坐德

化縣府學

文廟朔望香燭銀一兩八錢坐德化縣府歲貢酒禮銀五兩坐德化縣

以上解司項下共銀八十六兩八錢遇閏加銀六兩八錢一分七釐

一存留各縣支給各項銀數縣學廩生一百名廩糧銀二百兩

七工序示 卷一六 戶口田產

坐五
縣

文廟朔望香燭銀九兩坐五春秋祭祀銀四百九十二兩一錢

四分八絲坐五備祭

關帝品儀銀二百兩坐各新增備祭

文昌帝君品儀銀一百三十兩坐各春冬鄉飲酒禮銀四十一

兩一錢坐各縣歲貢酒禮銀一十二兩五錢坐五迎賀舉貢入

學歲貢旗匾等銀二十七兩八錢三分三釐三毫坐德化瑞昌湖口三縣

孤貧糧布銀五百三十六兩四錢坐各走差聽事官吏工食銀

七十六兩三錢六釐九毫坐德化德安二縣各巡司弓兵工食銀二百

三十一兩六錢坐德化瑞昌湖口彭澤四縣改編吹鼓手工食銀一百六十

兩四錢八分六絲坐各縣

以上存留各縣項下共銀二千一百一十七兩三錢六分一釐

遇閏加銀一百一兩四錢七分九釐

以上自分巡道起至吹鼓手止共銀七千五百一十六兩一釐

一驛站項下除薪添遞夫工食不敷銀兩於地丁內補支外共

銀一萬三千九百七十六兩八錢內歸解司起運銀二千三百

五十四兩遇閏裁銀六十一兩五錢存留各縣支給銀一萬一千六百二十

二兩八錢扣除小建歸入起運遇閏加銀九百八十九兩七錢內德化德安二縣不敷銀七十九兩八錢應於地丁

戶口田產

問銀內抽添補
支理合登明

屯衛

原編完賦四百三十八丁坐編星子德化德安瑞昌湖口彭澤

等六縣

各照本縣民丁則例編徵不等

共計編銀一百二十兩六錢四分二釐

一毫於雍正五年奉文攤派通省屯糧內均勻帶徵現在歸併

星子德化德安瑞昌湖口彭澤六縣屯糧項下攤帶徵納應增

徵丁銀一百八十六兩四錢五分三釐八毫實徵銀三百七兩

九分六釐

遇閏年帶徵閏銀五兩四錢三分五釐仍俟五年將陞減各數照例自攤

又於康熙五十

二年欽奉

恩詔以五十年丁冊定為常額續生人丁永不加賦

自康熙五十五年起至乾隆三十六年各屆編審新收除抵補
開除外實共

盛世滋生屯丁四千三百四十五丁俱遵

恩詔永不加賦

其屯丁於乾隆三十七年奉文停止編審

通計成熟屯田地二千五百八頃五十二畝四分一釐其料籽

粒米麥豆糧二萬三千七百二十六石八斗三升五合七勺其

徵折增銀一萬一千二百七兩六錢三分五釐

此銀從前衛弁徵解迨康熙九

年奉文歸併縣徵起解所有前項田地編徵科則細數附載坐落之星子德化德安瑞昌湖口彭澤六縣全書

以上丁田二項除荒缺外實共徵銀一萬一千五百一十四兩

七錢三分一釐內起運項下解布政司帶徵屯丁解部銀三

百七兩九分六釐

坐星子德化德安瑞昌湖口彭澤六縣屯糧項下帶徵

都司存留屯銀

內扣解布政司舊裁官銀一百五兩九分六釐

坐瑞昌縣

以上共銀四百一十一兩六錢五分

遇閏帶徵屯丁閏銀五兩四錢四分五釐扣解

項下原裁表箋扣解並操捕都司暨領運守千等俸食其銀一

千八百三十一兩二錢四分二釐內除裁歸起運及解赴糧道

漕運項下支銷外實解都司存留歸併布政司解支銀八百三

十五兩五錢二分四釐漕運支給項下原編單年領運本衛後

右二所千總二員隨幫二員於漕運屯糧項下支俸工等銀二

百八十八兩原編雙年領運本衛前中二所千總二員隨幫二員於漕運屯糧項下支俸工等銀二百八十八兩

以上額設領運千總四員隨幫二員內除隨幫俸工向在糧道漕運屯糧項下支給外其千總係輪流領運所有應支俸工如遇領運之年在糧道漕運屯糧項下支給停運之年在布政司

存留解支屯糧銀內支給嘉慶六年奉准 部文運官俸廉統

歸糧道支放造報奏銷現在無論停運領運每年應給領運千總四員隨幫二員於漕運屯糧項下支俸工等銀四百六十八兩千總隨幫遇領運之年各給行糧銀一兩八錢每年輪運四

員共應給行糧銀七兩二錢領運屯丁一千六百五十名每名

月糧九石六斗每石折銀五錢該銀七千九百二十兩除六分

支倉米外應支屯糧銀三千一百六十八兩遇閏每名加銀四

錢五年兩閏每年該銀二百六十四兩共銀三千四百三十二

兩 查閏月銀兩於康熙十四年奉裁免給 該衛領運屯丁一千六百五十名於雍

正元年敬陳籌漕等事案內將該衛屯丁撥入鉛山所四百名

內乾隆二十四年奉文加一裁減疲船案內減除一十名實存

三百九十名撥入廣信所一百三十名內減除一十名實存一

百二十名本衛領運屯丁一千一百二十名內減除一百一十

名實領屯丁一千一十名應給折色月糧緣江西船少糧多原
編載運漕米益淺應給行糧銀一十八兩月糧銀四十八兩今
該衛共應載運正改米七萬九千七百四十九石六斗每石給
行月銀一錢六分五釐共該銀一萬三千一百五十八兩六錢
八分四釐除動支倉米外應支屯糧銀五千二百六十三兩四
錢七分三釐又乾隆三十六年一件據詳具題事案內奉准
部文行月二糧照湖北之例每石概以七錢折給每米一石增
銀五分五釐五毫共動支漕南項下給發加增行月糧四千四
百二十六兩一錢三釐現在出運船一百一隻每歲應造一十

隻一分遵奉康熙二十六年題定每隻應給料價銀二百八兩

七錢七分三釐共銀二千一百八兩六錢七釐

以上共應給千總隨帶俸工行糧料價共銀七千八百四十七
兩二錢八分查該衛現在成熟屯田徵解道銀一萬二百六十
七兩一分七釐內除動支本衛銀七千六百六十七兩三錢二
分一釐外尚餘銀二千五百九十九兩六錢九分六釐以爲撥
入鉛山廣信二所行月糧銀之用至本衛不敷銀兩於南折濟
造裁兵餘剩米折及輕賞銀內動支湊給

各縣分徵南昌前衛原編完賦屯丁六百七十丁計編銀一百

五兩六分六毫南昌左衛原編完賦屯丁一千二百六十八丁計編銀三百七十一兩九錢四分七釐九毫五絲七忽四微九分七釐六毫五絲九忽七微四纖

以上三衛屯丁銀兩於雍正五年奉文攤派通省屯糧內均勻帶徵外南昌前衛

盛世滋生屯丁四千五百九十五丁南昌左衛

盛世滋生屯丁七千四百九十四丁九江衛

盛世滋生屯丁三千八百一十五丁俱遵

恩詔永不加賦其屯丁於乾隆三十七年奉文停止編審

督催各縣分徵南昌前左九江三衛丁田二項見其實徵銀二

萬二千五十八兩三錢八分二釐解布政司帶徵屯丁解部

銀五百八十八兩二錢九分五釐遇閏加銀一十兩四錢三分一釐又屯糧改

編解部兵餉銀六百八十七兩一錢二分又屯糧內扣解舊

裁官經費銀一千四百四十四兩八錢八分八釐都司存留屯

糧歸併布政司解支銀三千二百六兩四錢六分一釐解督糧

道漕運支銷銀一萬六千一百三十一兩六錢一分八釐

雜稅

田房稅契

原無定額例係儘收儘解

當稅銀四十兩牛稅銀六兩五錢九分

五釐牙稅銀三百六十七兩茶課銀一十兩九錢五分紙價銀

二錢四分三釐九絲

以上共銀四百二十四兩七錢八分八釐九絲

此銀編徵如有增減據實報解

蘆課

腹裏濱江蘆洲現在實共地四千四百一十六頃九十七畝四

釐共徵課銀六千七十四兩九錢二分八釐

查蘆洲例係五年丈量地畝科則

不等課銀原無定額坐化湖彭三縣并南昌九江二衛

南昌衛經徵九江府同知

腹裏濱江蘆洲現在實共地一百七十八頃

四十五畝五分一釐共徵課銀三百七兩八錢一分四釐

查蘆洲例

係五年一丈量地畝科則不等課銀原無定額

九江衛經徵九江府同知

腹裏濱江蘆洲現在實共地七百二十八頃

六十五畝二分共徵課銀九百六十九兩二錢七釐

查蘆洲例係五年一

丈量地畝科則不
等課銀原無定額

關稅

九江關稅正額銀十七萬二千二百八十一兩三錢六釐嘉慶
四年

欽定九江關盈餘銀三十四萬七千八百兩又於嘉慶九年經
戶部籌議關稅盈餘奏准奉

旨九江關盈餘額數着定為三十六萬七千兩欽此

船料稅則 詳見戶部則例

稅口 附

大關姑塘口徵收稅銀龍開河北關清江口老鶴塘八里江白

石嘴扶山馬家灣梅家洲龍華寺設役巡查一套河向有土埂
阻截舟楫如遇水漲漫溢臨時相機設法稽查其非水漫之時
毋得添派官役巡查致滋擾累

積貯 據現在盤查冊報數

德化

常平倉穀二萬七千八百八十一石八斗五升

關義倉穀二千一十一石九斗八升七勺

社穀二千五百三石七斗四升八合二勺

德安

常平倉穀一萬二千一百六十六石五斗

社穀二千四百二十七石一斗三升一合

瑞昌

常平倉穀一萬二千石

社穀一千四百九十四石五斗六升六勺

湖口

常平倉穀二萬二百八十七石七斗一升

關義倉穀四百四十四石七斗九升六合

社穀一千八百九十六石八斗七合五勺

彭澤

常平倉穀二萬石

關義倉穀六百二十九石六斗一升

社穀四千二十五石三升六合六勺

物產

九江一高山大川之區也沃衍無多物產非饒矣然天生一區之人必生物於其區以養之惟乘天之時因地之利盡人之力其取資固綽有餘裕耳今舉郡產切於日用者言之穀菽之屬大抵山鄉與洲鄉小異山鄉宜稻有蚤穀晚穀秬穀糯穀白穀赤穀烏穀光穀芒穀諸種當蚤穀已熟未穫之時乘泥種豆信宿卽生隨穫稻以扶其苗名曰泥豆有黑麻二種性皆溫補或於穫稻後種蕎麥苜蓿麥不欲虛地力也諸豆諸蔬俱於田畔地溝及山麓磽瘠處種之不以美壤洲鄉宜粟與黃豆並黍稷

萬蔬芝蕨諸種通號雜糧近則木棉與雜糧各半一以雜糧同
時並播艱於人功一以木棉價值收成勝於他產故凡值大有
洲鄉視山鄉尤豐有山鄉洲鄉不異者春夏之所種曰薑曰芋
曰薯秋冬之所種曰菜曰麥曰豆薑以德化廬山爲上湖邑劍
山次之芋有水乾紅白之別薯有紅白尖團之分芋之收倍於
稻薯之收倍於芋近有種蒿取葉以沽錢者雖小民取利之計
要不若種薯之尤可足食也豆則豌豆蠶豆菜則油菜辣菜蘿
蔔菜麥則大麥小麥米麥山鄉以豆其未老者肥田洲鄉以豆
實已成者爲貨或摘油菜炒豌豆炒以供饌而被摘之菜豆遂
萎何如待其成而收之之爲愈有山鄉洲鄉迥異者山鄉所在
植木果彭邑則棗子苦株丁香柿爲多廬山之栗有大栗尖栗
茅栗數種其味尤勝石耳生廬山五老峯之巔取之甚難歲則
凡山皆有之洗粉而食可禦饑饉木炭石炭石灰皆取於山惟
有關地脉之處則掘窆允宜禁止洲鄉則蓮菱鳧茨之花綯爛
滿目其實入食品最佳萹蒿馬蘭白花芹於春仲采之菱筍於
夏初采之香美可茹土蝦公於水涸時掘之可以療饑皆產於
德化官湖中餘洲亦復不少有五屬相異者布之成於苧葛者
曰苧布葛布惟化安瑞有之湖彭不多見楮紙與漆皆出於瑞

昌彭澤篋惟德化榷關前及楊穴鎮所製者可用土銅出於湖
邑銅窰頭網線出於湖邑流芳市抑又銅無名土出於德化濂
溪書院嶺麓可以入漆墨竹出於瑞昌相傳蘇東坡謫黃州過
瑞邑援筆賦詩灑墨於竹而成湖邑壺中九華石蓄於李正臣
家亦以東坡得名前志載之今皆無有殆古今物產或殊歟有
五屬相同者木棉實曰棉花經研彈紡織而爲布一郡盡然棉
花惟德化封郭桑落二洲所出核小而絨多彭邑京亭馬當所
出爲盛棉布出於德安者麤曰土布細曰腰機湖邑下鄉家機
布皆佳麻宜於五屬安瑞爲盛化次之湖彭又次之油有四乘
油出於通屬麻油出於各洲桐油柏油則安瑞爲多茶出於德
安瑞昌彭澤惟廬山所產味香可啜廬山尤以雲霧茶爲最惜
不可多得耳有同於他郡而此獨異者若瑞邑所製之黃精廬
山之石斛九節菖蒲其用尤良而鹽筍鹽椿芽亦競稱廬山之
產鮑魚似鱈而較大鱧鱠似鱖而較大其味肥美於他郡尤以
出於湖邑者爲上蟹以團臍爲牝尖臍爲牡經霜則團臍多黃
出於化湖彭者他郡莫及河豚爲魚之豐味然子有毒能殺人
凡中其毒者以蘆根汁救之雖亦或解免究不宜食蛟產於深
山大澤爲害最鉅凡郡有大山者皆然而廬山尤甚不可不先

事豫防也有他郡所無而此獨有者草紙出於德安粗細美惡亦不等其細膩而潔白者曰篋子昏湖邑上鄉黃豆小暑時熟名曰六月爆紫魚狹小而長形似刀故一名刀魚楊花時始出故一名楊花紫味美而多刺次於鱒魚故又名小鱒魚惟湖邑所出爲最佳鱒魚形似白鱸四五月間始出魚之極美者出於化湖彭三邑魚苗出於德化迴峯磯及湖邑八里江鱸似龍而色黃俗名鱸魚大者千餘斤鮪似鱸而小色青黑俗名鱒魚九江鱒鱧鮓乃食品之最著者麻魚一名石魚小不及寸烘乾久蓄其味最美出於德化沙河瑞昌各港彭澤方湖凡此皆物產之可紀者他如爲常產爲通產爲不恒產或無待紀述或無關日用概置之不必作博物志也夫山有草木羽毛之蕃衍水有鱗介蘆葦之滋生郡旣介山水之間用之不竭且優游於光天化日家無逋課地有通商山居足於魚澤居足於鹿椒馨以寧壽考羔酒以躋公堂致足樂也則謂郡之地物產豐饒郡之人蓋藏充實也可

